

E idiomanan den Enseñanza Secundario General despues di restructuracion

ORANJESTAD (AAN) -- For di Sr. Flanegin, di Departamento di Enseñanza, a yega un comunicado di prensa tocante e topico: "E idiomanan den enseñanza secundario general, despues di restructuracion".

Den su comunicado, sr. Flanegin ta señala cu manera ta conoci nos comunidad ya pa añanan largo ta uno unda hendenan ta papia diferente idioma. Banda di e dos idiomanan oficial, esta, nos Idioma maternal Papiamentu, y Hulandes, e idiomanan Ingles hunto cu Spaño ta hunga un rol importante den nos comunidad.

Na e school nobo di enseñanza secundario general (MAVO, HAVO y WWO) lo mester dedica atencion necesario na e idiomanan aki. Banda di e cuatro idiomanan aki lo mester tin oportunidad pa siña otronan manera:

Frances, Aleman y Portugues, cualnan por forma parti di e curiculo, si tin maestronan cu papel adecua pa duna les den dicho idiomanan.

Banda di Hulandes nos NO por spera por lo pronto introduccion di un otro idioma di instruccion den enseñanza secundario general, por ehemplo Papiamentu. E motibonan ta lo siguiente:

1) E maestronan a haya nan preparacion den idioma Hulandes

2) Materialnan cu ta worde usa den les ta mayoria parti material na Hulandes. Sea a busca nan directamente for di Hulanda, of nan ta di Aruba/Antiyas, skirbi na Hulandes.

3) Tur examen, banda di proefwerk, ta na Hulandes.

4) Tur terminologia cu ta usa den e diferente materianan ta na Hulandes y no tin ainda

equivalente na Papiamentu.

5) Uso di Ingles of Spaño como idioma di instruccion tambe lo duna problema, pasobra no tin (suficiente) maestro cu ta domina e idiomanan aki cu nan por duna les aden.

Tocante e didactica (manera di instrui) di Hulandes mester bisa cu esaki lo cambia. Hulandes lo worde duna como idioma stranhero y no como idioma materno; loke ta e caso aworaki y cual parcialmente ta un di e (hopi) motibonan cu nos muchanan no ta domina e idioma aki debidamente.

Mas atencion pa e idioma aki, specialmente di parti di maestro, nan por trece por lo pronto un mehor dominio di e idioma aki.

Ingles y Spaño lo ta materia obligatorio for di prome te cu ultimo aña na school nobo. Frances y e otro idiomanan lo

worde ofresi di forma facultativo den Ciclo Superior, si tin suficiente interes y si tin maestronan cu papel necesario, manera a menciona caba.

Introduccion di Papiamentu como materia den enseñanza secundario general lo ta un gran logro, ya cu asina nos idioma lo haya un desaroyo enorme. Bukinan lo mester worde skirbi den e idioma; pa no menciona e lista largo di terminologia na Papiamentu cu mester bini (cu mester haya aceptacion den comunidad). Y un bez cu nos muchanan haya e dominio adecua di nan idioma maternal, por cierto esaki tin di cuminsa na school basico, nan lo por bira den futuro e maestronan cu ta

capaz pa duna les den otro materia den idioma Papiamentu.

Esaki ta nifica cu mas pronto posible tin di haci inicio cu entre otro, desaroyo di material pa Papiamentu y na Papiamentu!!

Un bon maneho di enseñanza di idioma na schoolnan basico, unda e mucha ta siña domina Papiamentu y despues Hulandes (banda di cera conoci cu Ingles y Spaño) ta di sumo importancia. Y e instancianan responsable pa esaki, lo mester traha e fondo financiero banda di e clima adecua pa logra e meta aki. No ta maestronan so ta responsable pa esaki, sino henter nos comunidad.

Tremendo Jackpot pa Jadawn



ORANJESTAD (AAN): Esaki ta Jadawn Munger, kende ta hospedando na Holiday Inn y a gana un bunita suma na e machine di Wild Diamond di Royal Cabana Casino. Aki por mire hunto

cu Liesje Tromp, kende ta casino hostess.

E pareha aki a bin na e casino pa e Buffet gratis, y a gana un tremendo jackpot.

COMPUTERLES DEN
Vakantie

DI 7 PA 16 AÑA

WINDOWS 95, MS-WORD, MS-EXCEL
Y HOPI MAS

1 COMPUTER
PA MUCHA

Nos ta ofrese Transport
GRATIS

PC&C

Gutenbergstraat #4
Tel: 823401 Fax: 823391
pc@setarnet.aw

Profesional Computer &
Computerlandia

SUNSET FRAMING Nobo - Nobo

**Awor bo Lijstje bunito pa bo Papa
Un bon regalo ta e foto di Bo pa bo Papa
Un recuerdo pa semper....**

Edificio di Plaza Book Shop na Fergusonstraat 47



**Groot
Vakantie**
Computer Les
Afl. 125

- Windows 95 y Paint
- Microsoft Word
- Microsoft Excel
- Internet Basics
- Web Page Design

Orario di oficina 8am-9.30pm
Data Tech Tel.8-37979